

## **Toraja - Agape Sura' Madatu - God's Love Letter Scriptures**

**Yohanes 15:9 Tumba tu Ambe' umpakaboro'Na', ten dukamoto tu Aku mangka umpakaboro'komi; tontongkomi lan pa'kaboro'Ku.**

**Yesaya 43:1 Apa totemo, kadanNa PUANG, To tumampamu, e Yakub, sia To kumombongmu, e Israel, da mumataku', belanna Akumo ullenokangko, Kutambaimo tu sangammu sia ikomo taungKu.**

**Yeremia 1:5 Iatonna tae'pa Kukombongko lan inan tau, inang Kutandaimoko sia iatonna tae'pa mutassu' lan mai pa'tambukan, Kupamarimbanganmoko sia Kuangka'ko nabinna mintu' bangsa iato.**

**Yohanes 15:16 Tae' anNa kamu umpileiNa', sangadinna Akuri tu umpileikomi sia umpamanassakomi, ammi male umpalao bua, sia tontong tu buammi; dikua anna apa-apa tu mipalaku lako Ambe' umpotete sangangKu, la Napa'kamasean lako kalemi.**

**3 Yohanes 1:2 E pa'kaboro'ku, massambayangna' kumua ammu maupa' lan mintu'na sia malaga'-laga', susi duka deatamu maupa'.**

**Yesaya 43:4 Belanna keangga'ko Kutiro sia mala'bi' sia naalako penaangKu, angKu sorongi tu ba'tu pira-pira tau ussulleko, sia ba'tu pira-pira bangsa ussonda sunga'mu.**

**Yeremia 31:3 Iatu PUANG payanmo lako kaleku dio mai inan mambela: Tonganna Kukamaseiko situang pa'kamase matontongan, iamoto Kunaranku kamasokanan.**

**Hosea 11:8 Umba la Kukua ussa'biangangko, e Efraim, umba la Kukua ussorongko, e Israel? Umba la Kukua ussa'biangangko susi Adma, sia la umpapadako Zeboim? Tibalik senga'omo tu penaangKu, anna tiakka' tongan tu kamamaseangKu.**

**Yohanes 3:16 Belanna tenmoto tu Puang Matua ungkamasei tu issinna te lino, naurunganni umpa'kamaseanni tu Anak tungga'Na, kumua anna minda-minda umpatonganNi tae' nala sanggang, sangadinna ungkabu'tui katuoan sae lakona.**

**Yesaya 49:15,16 Ma'dinraka misa' baine ungkalupai anak sumusunna, anna tang ungkatirinnai tu anak natibussanan? Kenna la ungkalupai tonganni baine iato mai, manassa tae' Aku Kukalupaiko. 16 Kusura'moko diong pala' lima patomalingKu, sia iatu rinding tembo'mu dio bang oloKu.**

**Yesaya 41:13 Belanna Akumo tu PUANG, Kapanombammu untoe lima kananmu; tu ma'kada mati' kumua: da mumataku', Aku untunduiko.**

**Matius 28:20 sia miada'i susitu mintu'na Kupa'peannan lako kalemi; la miissan kumua: Aku te la tontongNa' ussisolangkomi sae lako**

**katappuranna lino.**

**Yohanes 14:1 Da miparossoi tu penaammi; patonganNi tu Puang Matua, sia patongan dukaNa'!**

**Yesaya 41:14 Da mumataku', e Yakub pada ulli', e Israel bangsa bitti'! Akumote tu untunduiko, kadanNa PUANG, na iatu Pela'bakmu iamo To maserona Israel.**

**Yesaya 43:2 Iake ussassangko uai, la Kurondongko, sia iake ullambanko salu, tae' anna la unggabu'ko; iake unnolaiko to' api, tae' anna la unggandeko sia tae' anna la'poiko.**

**Pa'Pudian 23:1-6 Pa'pudianna Daud. PUANGmo tu to manglaaku; tae' angku kapu'duran len. 2 la umpamamma'na' dio to' inan maluna riunna, sia la ussolan mana'pana' lako to' uai ma'tan. 3 la umpamatana deatangku, sia ussolanna' lako mintu' lalan malolo, diona sanganNa. 4 Moi angku olai lombok malillin parrak, tae' duka kukataku' kasanggangan, belanna Mirondongna', tarasulu'Mi sia ta'baMi umpanananna' penaangku. 5 Kamumo umpalennaranna' sandukanku, nakadongai mintu' ualingku; sia Kamumo umboloi minna' tu ulungku, sebo tu irusangku. 6 Inang manassa tontongna' nasa'pi' kameloan sia kamasokanan angge tuoku, sia la torrona' lan banuanNa PUANG tontong sae lakona.**

**Yohanes 14:27 Kamarampasan Kutampeangkomi, ontongpi kamarampasangKu kalena Kusorong lako kalemi, tangia susinna tu nasorong te lino, tu Kusorong lako kalemi. Da narosso penaammi sia da miselang.**

**Filipi 4:7 Anna kamarampasan dio mai Puang Matua, tu undaoanni mintu' kamanarangan la umpetayanni penaammi sia tangnga'mi lan Kristus Yesu.**

**Sarambu Peada' 3:24 Iake matindoko tae' mula tiramban, sangadinna la matindoko anna mammi' mamma'mu.**

**Pa'Pudian 4:9 La bambangna' sia la mamma' marampa'na', belanna Kamu manna, o PUANG, umpatorro manamanna'.**

**Pa'Pudian 33:18 Manassa iatu matanNa PUANG tontong untiro to unggataku'l, sia to umpeagi kamasokananNa Puang,**

**Roma 5:2 sia dio dukaRi, anta ma'din tama te pa'kamasean iate (tete dio kapatongan) tu tanii bendan; anta massattuan belanna rannunta diona kamala'biranNa Puang Matua.**

**Yesaya 55:12 Belanna la tassu'komi situang kasendean sia la direnden marampa'komi, iatu buntu sia tanete la unnangnga' dio tingayomi sia mintu' kayu dio lu padang la massala'pa-la'pa.**

**Yohanes 16:22 Susi kamu inang masussa misa'ding totemo te; apa la Kusitiroan pole'komi, anna parannu penaammi, na moi misa' tau tae'**

**umbelai unnalai dio mai kalemi tu kaparannuammi.**

**Lukas 12:9 apa minda-minda tu umpeonganniNa' dio tingayona tau, ia dukamo la dipeonganni dio tingayona malaeka'Na Puang Matua.**

**Matius 10:30 iatu kamu Natoe nasang dukamo iaranna tu beluak dao ulummi.**

**Yesaya 54:10 Belanna moi nala tiberu tu mai buntu sia tigega' tu mai tanete, apa iatu kamasokanangKu tae' nala tiberu dio mai kalemu sia iatu basse kamarampasangKu tae' anna la tigega', kadanNa To maturuturummu, iamotu PUANG.**

**Matius 11:28-30 Malekomi mai, e kamu mintu' boyo'na sia dipapassanni magasanna, Akumote tu la umbernoki kapelayoan. 29 Endekammi tu panglembaKu sia melada'komi lako Kaleku; belanna Aku malamma' sia umpamadiongan penaa; ammi alan kapelayoan kalemi. 30 Belanna manaman tu panglembaKu disa'ding sia maringngan tu pamaangKu.**

**Pa'Tendeng Ballo 2:10 Ma'kadami tu andi' pa'kaboro'ku lako kaleku, nakua: Ke'de'ko, e rindungku, e simbolong manikku, ammu male mai!**

**Hosea 2:14,19,20 Sia la Kuben tu pa'lak anggoro'na dio, sia iatu lombok Akhor la Kupopendadi misa' ba'ba pa'rannuanan. Sia attu iato la menani pole' susi tonna mangura, iamo tonna sun lan mai tondok Mesir. 19 La Kupotumaiko tete dio kamarurusan, ammu tandai tu PUANG. 20 Sia la dadi attu iato, kumua la Kuperangii, kadanNa PUANG, la Kuperangii tu langi', anna perangii langi' tu lino.**

**Katassuran 3:14 Ma'kadami tu Puang Matua lako Musa Nakua: Aku Den tu inang Denna' sia Nakuapa: Susite tu la mupokada lako to Israel, kumua: Aku Den tu ussuana' sae lako kalemi.**

**Hosea 13:4 Apa Akumo tu PUANG, Kapanombammu, tempon dio mai Mesir, tae' Kapanomban mutandai sangadinna Aku sia tae' misa' to merampanan sangadinna Aku.**

**Yohanes 15:14 Kamumo te tu sangmaneKu, ke mipogau'i tu apa Kupa'peannan lako kalemi.**

**Kada Ombo' Lako Rasulu' Yohanes 3:20 Tiromi bendanNa' dio to' ba'ba angKu ma'dedek; iake narangii tau tu gamarangKu, anna bungkarana' ba'ba, la tamaNa' angKu kumande sola.**